

DECRETO

Ilma. Sra. D^a. Tareixa A. Ferreiro Tallón, Tenenta de Alcaldesa Delegada da Área de Cultura, Turismo e Promoción da Lingua.

Instruído o expediente relativo a: Bases que rexerán o proceso de matriculación nas Casas das Linguas María Balteira e Estrada da Granxa do Excmo. Concello de Lugo para o curso 2024/25.

Vista a proposta do Xefe de Servizo de Cultura, Turismo e Promoción da Lingua, obrante no expediente de data 28/05/2024 onde se recollen as Bases que rexerán o proceso de matrícula nas Casas das Linguas, para o curso 2024/25, transcritas na parte dispositiva.

En virtude das atribucións que lle confiren á Alcaldía e a Xunta de Goberno Local os artigos 124 e 127 respectivamente da Lei 7/85, de 2 de abril, reguladora das bases de réxime local, e concordantes do Regulamento orgánico municipal do goberno, administración do Concello (ROMGA), atribucións delegadas segundo acordo XGL número 40/607, de 26/07/2023 e Decreto núm. 4036/2024 de 30/04/2024 na súas actuais redaccións,

RESOLVO:

PRIMEIRO.- Aprobar as bases e convocatoria do proceso de matrícula nas Casas das Linguas do Excmo. Concello de Lugo para o curso 2024-2025 que seguidamente se transcriben:

<<Bases que rexerán o proceso de matricula nas Casas das Linguas María Balteira e Estrada da Granxa do Excmo. Concello de Lugo para o curso 2024/25.

1.- Obxecto da convocatoria.

As presentes bases teñen como obxecto regular o procedemento de admisión de alumnado nas Casas das Linguas de Estrada da Granxa e María Balteira para o curso 2024/25.

2.- Persoas destinatarias.

Persoas empadroadas no Concello de Lugo.

No caso dos nenos e nenas, deberán de solicitar a matrícula no idioma do curso escolar correspondente.

As persoas non empadroadas terán a opción de matricularse no caso da existencia de prazas vacantes.

3.- Modalidade do servizo e período de prestación deste.

As actividades de idiomas en ambas Casas das Linguas, iniciaranse o **11 de setembro de 2024 e rematarán o 20 de xuño de 2025.**

As clases de adultos terán unha duración de 75 minutos e as infantís de 50 minutos.

Ofértanse 20 prazas para cada clase no caso de adultos e 15 prazas para as actividades infantís. Nas actividades de familias e bebés adaptarase o número de prazas segundo as solicitudes e as capacidades de prestación da actividade.

4.- Procedemento para a solicitude e concesión do servizo.

O procedemento para a concesión do servizo iniciarase coa solicitude das persoas interesadas, conforme ao modelo aprobado, durante o **período de inscrición que se iniciará ao día seguinte da publicación das bases no BOP ata o 21 de xuño de 2024.**

As solicitudes para Casa das Linguas Estrada da Granxa poderanse efectuar presencialmente ou no correo: casa.linguas@lugo.gal

As solicitudes para Casa das Linguas Maria Balteira poderanse efectuar presencialmente ou no correo: casa.linguas.balteira@lugo.gal

Poderanse solicitar varios idiomas pero só se poderá presentar unha solicitude por idioma. No caso de solicitudes duplicadas do mesmo idioma nos dous centros, serán anuladas e non entrarán no sorteo.

No caso necesario realizarase o **sorteo das prazas entre os días 24 e 26 de xuño**, sendo publicado o listado de persoas admitidas e as listaxes de agarda, no taboleiro de anuncios en cada unha das Casas das Linguas, no blog (<https://casadaslinguasconcellodelugogal.blogspot.com/>) e páxina web das mesmas (<https://casadaslinguaslugo.gal/>).

No caso de quedar prazas vacantes, abrírase novamente un prazo de solicitude do **20 de agosto ao 3 de setembro**. Unha vez rematado este prazo e iniciadas as clases, se aínda quedaran prazas poderán cubrirse por orde de solicitude ata completar a cabida.

Así mesmo, no caso de existir demanda de clases ou actividades que non estean contempladas no programa ofertado, á vista das solicitudes ou suxestións

presentadas, poderase realizar unha oferta extraordinaria de matrícula para ditas materias.

5.- Formalización da matrícula: Documentación e pago de taxas.

As persoas admitidas terán que achegar a documentación necesaria para realizar a formalización da matrícula entre o 27 de xuño e 8 de xullo de 2024.

Documentación a achegar:

- Fotocopia do DNI,
- Folla de inscrición cuberta,
- Unha fotografía tamaño carné,
- Xustificante do pago de taxas (Modelo 503)

Conforme ao disposto na Ordenanza nº 403 que regula os Prezos Públicos pola prestación de servizos nas instalacións culturais, extán exentos de pagamento os menores de 14 anos. Por dito motivo e para que afecte do mesmo xeito a todo ao alumnado dun mesmo curso, os nados antes do ano 2010 (que cumprirían os 14 anos no 2024), deberán abonar 30,90€ por idioma en concepto de matrícula para o curso anual. Para isto deberán de cubrir o impreso 503 para as taxas de pago. Este impreso pódese recoller nos centros das Casas Das Linguas xa impreso ou ben descargalo da páxina Web do Concello, no caso de descarga do documento, deberánse imprimir 3 copias do mesmo arquivo (ca mesma numeración):

- Exemplar para o solicitante.
- Exemplar para o banco.
- Exemplar para entregar no centro da Casa Das Linguas

No caso de menores de idade, achegarse o DNI do pai/nai ou titor legal que realice a solicitude, folla de inscrición cuberta, unha fotografía tamaño carné e a autorización da toma de imaxes.

No caso de non formalizar a matrícula no prazo indicado para a mesma perderase o dereito á praza.

Non se considerará matriculada a persoa que non teña presentado o xustificante de pago.

No suposto de que algunha das persoas admitidas incumpran as obrigas de asistencia sen a xustificación oportuna (máis de 4 faltas sen xustificación), causará baixa na actividade solicitada, sendo cuberta a praza, se existe listaxe de reservas, segundo a orde establecida na mesma.

6.- Idiomas a impartir .

Servizo de Cultura, Turismo e Promoción da Lingua

XMCR/cff

Refº: ispac2320123830250557348.doc

Asunto: Decreto aprobación de bases proceso matrícula Casas das Linguas

Impartiranse actividades nos seguintes idiomas:

Inglés. Niveis adultos: A1, A2, B1, B2-C1

Niveis infantil: Bebés, Infantil, Primaria.

Francés. Niveis adultos: A1-A2, A2- B1

Niveis infantil: Bebés, Infantil, Primaria.

Alemán. Niveis adultos: Iniciación, Básico, Intermedio

Niveis infantil: Primaria.

Galego. Niveis adultos: Iniciación, CELGA

Niveis infantil: Bebés, Primaria

Portugués. Niveis adultos: Iniciación e Intermedio

Niveis infantil: Bebés, Primaria, ESO

Linguaxe de signos. Niveis adultos: Iniciación

Niveis infantil: Iniciación

Xaponés. Iniciación

En función das necesidades do servizo, ou da demanda existente, as clases poderán ser anuladas ou substituídas por outras.

ESTRADA DA GRANXA

	LUNES	MARTES	MIÉRCOLES	JUEVES	VIERNES
Francés Inglés Alemán Galego Xaponés Portugués Lingua de Signos	10:00-11:15 Inglés Elementary I (nivel A1 Adultos) 11:30-12:45 Inglés Elementary II (nivel A2 Adultos)		10:00-11:15 Inglés Intermediate English 11:30-12:45 Inglés Advanced English (nivel B2- C1) Adultos.	10:00-11:15 Inglés Elementary II (nivel A1.2) Adultos Francés Intermedio (B1) Galego Iniciación 11:30-12:45 Inglés Advanced English (nivel B2- C1) Adultos. Galego CELGA 12:00-12:50 Francés Bebés e familia (0-3 anos)	10.00-11.15 Francés Iniciación 2 (A2 adulto) 11.30-12.45 Francés Avanzado (B2 adulto)
	16:30-17:20 Alemán Nenos/as (Iniciación desde 0) Inglés Magic English I & Musical English (1º,2º,3º Prim) 17:30-18:20 Alemán Nenos/as (Iniciación II - con conocimientos previos) Inglés Magic English II & Musical English (4º,5º,6º Prim)	16.30-17.20 Francés Infantil (4º5º6º infantil) Portugués Bebés 17.30-18.20 Francés Primaria 1(1º2º3º primaria) 17.30-18.45 Portugués Avanzado (Adultos) 18.30-19.20 Francés Primaria 2 (4º5º6º primaria)	16:30-17:20 Inglés Magic Kinder (De 3º,4º 5º Educación infantil) Lingua de signos (Primaria) 17:30-18:20 Inglés Magic English I & Musical English (1º,2º,3º Prim) Galego Infantil I 17:30-18:45 Lingua de signos (adultos)	16.30-17.45 Francés Básico (A2-B1- adulto) 18.00-19.15 Francés Iniciación (A1 adulto) 19.30-20.20 Francés ESO (1º2º3º4º ESO)	16:30-17:20 Xaponés

	18:30-19:45 Alemán Adultos (Básico - con conocimientos previos) Inglés Advanced English (nivel B2- C1) Adultos.		18:30-19:20 Inglés Magic English II & Musical English (4º,5º,6º Prim) 19:30- 20:20 Inglés Magic Highschool		
--	---	--	---	--	--

MARIA BALTEIRA

	LUNES	MARTES	MIÉRCOLES	JUEVES	VIERNES
Alemán Inglés Francés Galego Xaponés Portugués Lingua de Signos	10:00-11:15 Portugués Básico Adultos	10:00-11:15 Inglés Elementary I (nivel A1) Adultos Galego Iniciación 11:30-12:45 Inglés Intermediate English (nivel B1) Adultos Galego CELGA			10:00-10:50 Inglés Bebés e familia (0-3 anos) 11:00 -11:50 Inglés Intercambio cultural/Inglés Galego Bebés 12:00 -12:50 Inglés Bebés e familia (0-3 anos)
	16.30-17.20 Francés Infantil (4º5º6º infantil) 17.30-18.20 Francés Primaria 1(1º2º3º primaria) Portugués Brincar em Português (nenos/as 3 a 8 anos) 18.30-19.20 Francés Primaria 2 (4º5º6º primaria) Portugués Brincar em Português (nenos/as 6 a 12 anos) 19.30-20.20 Francés ESO (1º2º3º4º ESO) Portugués ESO (1º2º3º4º ESO)	16.30-17.50 Inglés Elementary II (nivel A1) Adultos 17.30-18.20 Galego Infantil 18.00-19.15 Inglés Basic English (nivel A2) Adultos 18.30-19.20 Galego Primaria 19.30- 20.30 Inglés Magic Highschool	16.30-17.45 Alemán Adultos (Iniciación desde 0) 16.30-17.20 Francés Bebés e familia (0-3 anos) Japonés (primaria) 17.30-18.45 Francés Iniciación (A1- A2 adulto) 18.00-18.50 Alemán Nenos/as (Iniciación desde 0) 19.00-20.15 Alemán Adultos (Intermedio) Francés Básico (A2-B1 - adulto)	16.30-17.20 Inglés Magic Kinder (De 3 a 5 anos) Lingua de signos (primaria) 17.30-18.20 Inglés Magic English I & Musical English (1º,2º,3º Prim) 17.30-18.45 Lingua de signos (adultos) 18.30-19.20 Inglés Magic English II & Musical English (4º,5º,6º Prim) 19.30- 20.20 Quizz night/ Board Game night	

>>

SEGUNDO.- Dar publicidade da presente convocatoria, mediante anuncio no Boletín Oficial da Provincia, no taboleiro de edictos e na páxina web do Concello.

TERCEIRO.- Notificar a presente resolución, que pon fin á vía administrativa, ao interesado coa indicación de que contra a mesma caberá interpoñer os seguintes recursos:

- Recurso contencioso-administrativo, no prazo de DOUS MESES, contados dende o día seguinte ó da notificación do presente acto, ante o Xulgado de dita xurisdición de Lugo (artigos 8 e 46 da Lei 29/1998, do 13 de xullo, da xurisdición contencioso-administrativa), así como as demais accións legais que estime pertinentes.

- Malia o anterior, e con carácter previo, poderase interpoñer o recurso potestativo de reposición previsto no artigo 123 da Lei 39/2015, do procedemento administrativo común das administracións públicas, ante a Alcaldía / Xunta de Goberno (resolvendo a Alcaldía ou a Xunta de Goberno Local, segundo a atribución delegada) e no prazo de UN MES, contado dende o día seguinte ó da notificación do presente acto.

No caso de que se interpuxese o recurso de reposición, non poderá interpoñerse recurso contencioso-administrativo ata que sexa resolto expresamente ou se produza a desestimación presunta do devandito recurso de reposición (artigo 123 da Lei 39/2015, do procedemento administrativo común das administracións públicas).

Así mesmo, deáselles traslados as dependencia e ós servizos municipais afectados.

Cúmprase.